

CLEOBOLVS LYNDIVS.

Cleobolus Lyndius dixisse fertur: μέτρον ἀρίστον quod latine sonat modus, Quid hoc breuius, quid sapientius dici potest? cuius in singulis vitæ nostræ particulis meminisse conueniet, seu vigilandum, seu dormiendum, seu laborandum, seu quiescendum erit, seu loquendum vel tacendum: Et vt breuiter cuncta complectar, quicquid agemus, quicquid cogitabimus, nisi hoc ante oculos semper habuerimus, facillimè crebro nimis oberabimus. Hinc traxisse videtur Comicus Terentius, quod ait in Andria:

Nam hoc arbitror apprimè in vita esse utile:

NE QUID NIMIS.

Explicauerat aliis verbis Cleoboli sententiam, si addidisset, & Ne quid parum, nisi fortè hoc ipsum nimis ad vtrunque porrigetur. Itaque plenius locutus mihi videtur Flaccus, vbi ait:

*Est modus in rebus sunt certi denique fines:
Quos ultra citràque nequit consistere retum.*

THALES MILESIVS.

NOxã præsto esse spõdenti: Vel adesse vadimonio Thaletis Milesij senten-